

## Songs

### Auld Lang Syne

Should auld acquaintance be forgot,  
and never brought to mind?

Should auld acquaintance be forgot,  
and auld lang syne.

CHORUS:

For auld lang syne, my jo,  
for auld lang syne,  
we'll tak a cup o' kindness yet,  
for auld lang syne.

And surely ye'll be your pint-stowp!  
and surely I'll be mine!


And we'll tak a cup o' kindness yet,  
for auld lang syne.

We twa hae run about the braes,  
and pu'd the gowans fine;  
But we've wander'd mony a weary fit,  
sin auld lang syne.

We twa hae paidl'd i' the burn,  
frae morning sun till dine;  
But seas between us braid hae roar'd  
sin auld lang syne.

And there's a hand, my trusty fiere!  
and gie's a hand o' thine!

And we'll tak a right gude-willy waught,  
for auld lang syne.



## Comin Through the Rye

Gin a body meet a body  
Comin through the rye  
Gin a body kiss a body  
Need a body cry?


Chorus

Ilka lassie has her laddie  
Nane, they say, hae I  
Yet aa the lads they smile at me  
When comin through the rye

Gin a body meet a body  
Comin through the toon,  
Gin a body greet a body  
Need a body froom?

Amang the train there is a swain  
I dearly loe masel  
But what's his name an where's his hame  
I dinna care to tell

Gin a body meet a body  
Comin frae the well  
Gin a body kiss a body  
Need a body tell?



## Coulter's Candy


Ally bally, ally bally bee,  
Sittin on yer mammy's knee  
Greetin for a wee bawbee  
Tae buy some Coulter's Candy.

Willie wept baith lang and sair,  
Till he got a penny tae share  
Noo he's tumblin doon the stair  
Tae buy some Coulter's Candy.

Poor wee Annie was greetin tae,  
What could poor auld Mammy dae?  
But gie them a penny atween them twae  
Tae buy mair Coulter's Candy.

Oor wee Jeannie wis lookin affa thin,  
A rickle o banes covered ower wi skin  
Noo she's gettin a wee double chin  
Sookin Coulter's Candy.

Here comes Coulter doon the street,  
The man the bairns aa like tae meet  
His big black bag it hauds a treat  
It's full o Coulter's Candy.



## Katie Bairdie

Katie Bairdie had a yowe (sheep)  
That could curtsey and could bow  
Wasnae that a dainty yowe?  
Dance, Katie Bairdie

Katie had a crocodile  
We haven't seen her for a while

Katie Bairdie had a horse  
That could dance around the carse  
Wasnae that a dainty horse?  
Dance, Katie Bairdie

Katie Bairdie had a dog  
It went jogging in the fog  
Wasnae that a dainty dog?  
Dance, Katie Bairdie


Katie Bairdie had a fox  
Wore its socks in a cardboard box  
Wasnae that a dainty fox?  
Dance, Katie Bairdie

Katie Bairdie had a chook  
That could cook a tasty deuk  
Wasnae that a dainty chook?  
Dance, Katie Bairdie

Katie Bairdie had a cat  
Wore a fuzzy wuzzy hat  
Wasnae that a dainty cat?  
Dance, Katie Bairdie

Katie Bairdie had a coo  
Bright red lipstick roon its moo  
Wasnae that a dainty coo?  
Dance, Katie Bairdie

Katie had a chunky monkey  
Danced to music punky funky  
Wasnae that a dainty monkey?  
Dance, Katie Bairdie



## Ae Fond Kiss

Ae fond kiss, and then we sever  
Ae fareweel, and then forever  
Deep in heart-wrung tears I'll pledge thee  
Warring sighs and groans I'll wage thee

Who shall say that Fortune grieves him  
While the star of hope she leaves him?  
e, nae cheerfu twinkle lights me  
Dark despair around benights me

I'll ne'er blame my partial fancy  
Naething could resist my Nancy  
But to see her was to love her  
Love but her, and love for ever

Had we never loved sae kindly  
Had we never loved sae blindly  
Never met, or never parted  
We had ne'er been broken-hearted

Fare-thee-weel, thou first and fairest  
Fare-thee-weel, thou best and dearest  
Thine be ilka joy and treasure  
Peace, enjoyment, love and pleasure

Ae fond kiss, and then we sever  
Ae fareweel, alas, forever  
Deep in heart-wrung tears I'll pledge thee  
Warring sighs and groans I'll wage thee